

Broj: 01-2832/26

Tuzla, 09.09.2026. godine

Na osnovu člana 8. Zakona o ministarskim vladinim i drugim imenovanjima u FBiH („Službene novine FBiH“, broj: 12/03, 34/03 i 65/13), člana 8. i 26. Zakona o javnim preduzećima u Federaciji Bosne i Hercegovine („Službene novine Federacije BiH“, br. 8/05, 81/08, 22/09 i 109/12), te u vezi sa članom 271. Zakona o privrednim društvima („Službene novine Federacije BiH“, br. 81/15 i 75/21), članom 84. stav (2) Zakona o računovodstvu i reviziji u FBiH („Službene novine FBiH“, broj: 15/21), a u skladu sa članom 40. Statuta JKP „Komunalac“ d.o.o. Tuzla i Odlukom Nadzornog odbora broj: 01- 2437/26-2 od 03.08.2026. godine, Nadzorni odbor JKP „Komunalac“ d.o.o. Tuzla raspisuje

**JAVNI KONKURS
za izbor kandidata na upražnjeno mjesto predsjednika Odbora za reviziju
JKP „Komunalac“ d.o.o. Tuzla**

I

Raspisuje se Javni konkurs za izbor i imenovanje kandidata na upražnjeno mjesto predsjednika Odbora za reviziju JKP „Komunalac“ d.o.o. Tuzla.

II

Odbor za reviziju ima sljedeće nadležnosti:

- a) imenovati vanjskog revizora i direktora Odjela za internu reviziju
- b) izvršiti reviziju polugodišnjeg i godišnjeg obračuna i istovremeno kontrolu usklađenosti poslovanja društva i funkcionisanja organa društva sa zakonom, drugim relevantnim propisima i osnovnim principima korporativnog upravljanja i o tome dostaviti izvještaj Skupštini i Nadzornom odboru, najkasnije osam dana po okončanju revizije
- c) razmotriti godišnju strategiju rizika i plan revizije u kojima su prikazane pojedinosti u pogledu rizičnih područja i revizije koja će se izvršiti, te osigurati da prijavljena pitanja budu bez odlaganja i na odgovarajući način korigovana,
- d) osigurati da odjel za internu reviziju izvrši svoj posao u skladu sa planom revizije,
- e) osigurati da interne kontrole u društvu budu adekvatne i da funkcioniraju kako je predviđeno,
- f) podnositi nadzornom odboru sažete mjesečne izvještaje o svojim sastancima svakog mjeseca,
- g) vršiti i druge poslove u skladu sa zakonom i Statutom.

III

Imenovanje predsjednika Odbora za reviziju izvršit će Skupština Društva, na prijedlog Nadzornog odbora.

Mandat predsjednika i članova Odbora za reviziju traje 4 (četiri), odnosno do isteka mandata Odbora za reviziju imenovanog Odlukom Skupštine društva broj: 01-2646/23 od 26.12.2023. odine.

Mjesečna naknada predsjedniku Odbora za reviziju iznosi 200,00 KM neto.

Kandidati koji budu odabrani na listu za uži izbor bit će pozvani na intervju.

Prijave kandidata sa kojima se ne stupi u kontakt u roku od 8 (osam) dana od isteka roka za podnošenje prijava, neće se uzeti u razmatranje u daljem postupku ocjene prijava.

Ocjena kandidata koji ispunjavaju opće i posebne uslove utvrđene tačkom IV podtačka A) i B) izvršit će se na osnovu stepena i profila stručne spreme, radnog iskustva i poznavanja propisa koji uređuju oblast poslovanja privrednih društava, nadležnosti i rada Odbora za reviziju.

IV

Kandidati za izbor predsjednika Odbora za reviziju moraju ispunjavati opće i posebne uslove:

a) Opći uslovi:

1. da je državljanin BiH,
2. da je stariji od 18 godina i ne stariji od 65 godina na dan imenovanja
3. da se na kandidata ne odnosi član IX stav 1. Ustava BiH,
4. da nije otpušten iz državne službe kao rezultat disciplinske mjere na bilo kojem nivou u BiH (bilo nivou države ili entiteta) u periodu od 3 (tri) godine prije dana objavljivanja upražnjene pozicije,
5. da nije izabrani dužnosnik, nosilac izvršne vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj 70/08),
6. da mu odlukom suda nije zabranjeno obavljanje aktivnosti na poziciji za koju se kandiduje,
7. da nije član Nadzornog odbora, Uprave ili radnik JKP „Komunalac“ d.o.o.Tuzla, niti da ima direktni ili indirektni finansijski interes u JKP „Komunalac“ d.o.o. Tuzla,
8. da nije član Odbora za reviziju niti radnik bilo kojeg javnog preduzeća kojem je Grad Tuzla osnivač, odnosno preduzeća sa većinskim državnim kapitalom,

b) Posebni uslovi

1. da ima visoku stručnu spremu (VII stepen) – završen ekonomski ili pravni fakultet, stečenu po propisima koji su se primjenjivali prije donošenja Okvirnog zakona o visokom obrazovanju u BiH ili koja je stečena u skladu sa pomenutim Zakonom i koja je vrednovana sa najmanje 240 ECTS bodova
2. najmanje 3 (tri) godine radnog iskustva na poslovima finansija i računovodstva ili poslovima privrednog prava ili poslovima revizije i finansijske kontrole,
3. da posjeduje stručna znanja vezana za nadležnosti i rad Odbora za reviziju i način rada organa upravljanja privrednih društava.

Prilikom procjene kvalifikacija i iskustva kandidata uzeće se u obzir i sljedeće:

- sposobnost prepoznavanja, zastupanja i zaštite interesa privrednog društva,
- sposobnost za odgovorno obavljanje dužnosti člana Odbora za reviziju,
- izražena inicijativnost i neovisnost u radu i donošenju odluka,
- znanje i sposobnost razumijevanja finansijskih i poslovnih izvještaja,
- poznavanje ukupnog zakonodavstva na području djelovanja Odbora za reviziju i privrednog prava,
- sposobnost upravljanja finansijama i ljudskim resursima,
- posjedovanje sertifikata ovlaštenog revizora,
- komunikacijske i organizacijske sposobnosti,
- rezultati rada ostvareni tokom dosadašnjeg rada.

V

Uz prijavu kandidati su dužni priložiti dokaze o ispunjavanju propisanih uslova i to:

1. kraću biografiju (CV), adresu i kontakt telefon,
2. izvod iz matične knjige rođenih (ukoliko na obrascu nema naznake da su bez važenja isti ne mogu biti stariji od 6 mjeseci),
3. uvjerenje o državljanstvu (ukoliko na obrascu nema naznake da su bez važenja isti ne mogu biti stariji od 6 mjeseci),
4. diplomu visoke stručne spreme odgovarajućeg stepena i smjera,
5. Potvrda/ Uvjerenje o radnom iskustvu u struci nakon sticanja zvanja (potvrdu ili uvjerenje poslodavca kod kojih je kandidat radio ili trenutno radi ili uvjerenje Zavoda za penzijsko i invalidsko osiguranje (PIO/MIO))
6. izjavu kandidata potpisanu i ovjerenu od strane nadležnog organa o ispunjavanju uslova iz tačke 3, 4, 5, 6, 7 i 8 Općih uslova navedenih u ovom konkursu.
7. Dokaz o posjedovanju Certifikata ovlaštenog revizora ukoliko isti posjeduje.

Dokumenti koji se prilažu uz prijavu moraju biti dostavljeni u originalu ili ovjerenoj fotokopiji, ne stariji od 3 (tri) mjeseca.

Kandidati su dužni u biografiji navesti podatke ili dostaviti odgovarajuće dokaze o ispunjavanju uslova koji se odnose na posjedovanje stručnih znanja za nadležnosti i rad Odbora za reviziju i način rada organa upravljanja privrednih društava.

VI

Konkurs ostaje otvoren 15 (petnaest) dana od dana objavljivanja u „Službenim novinama F BiH“, dnevnom listu „Oslobođenje“ i na web stranici preduzeća.

Nepotpune i neblagovremene prijave neće se razmatrati.

Dokumentaciju priloženu uz prijavu kandidat može preuzeti odmah nakon okončanja javnog konkursa.

JKP „Komunalac“ d.o.o. Tuzla će lične podatke kandidata dostavljene u prijavi i prijavnoj dokumentaciji obrađivati u svrhu provođenja javnog konkursa, u skladu sa Zakonom o zaštiti ličnih podataka BiH i GDPRom.

VII

Prijave sa svim dokazima o ispunjavanju uslova treba dostaviti lično ili preporučenom poštom na adresu:

**JKP „Komunalac“ d.o.o. Tuzla
ul. 4. Aprila 7A
75 000 TUZLA**

(Uz naznaku: “Prijava na konkurs za izbor kandidata na upražnjeno mjesto predsjednika Odbora za reviziju – ne otvarati”)